

Mir Kölsche

Musik und Text: R. Hömig/ Bläck Fööss

**Mir Kölsche, mir Kölsche
mir Kölsche han met jarnix jet am Hoot
Dröm jeit et uns Kölsche
och immer immer immer widder jot.
Mir Kölsche, mir Kölsche
mir Kölsche han de schönste Stadt am Rhing,
un doröm han mir Kölsche
em Hätze immer immer widder Sonnesching.**

Mir Kölsche krijjen flöck nen decken Hals
mir Kölsche sagen leever wie, wie als
mir Kölsche fressen jeden Dach en Flönz
mir han d'r FC Kölle, wat dann söns.
Mir Kölsche ston bes morjens an d'r Thek
mir Kölsche maachen Deckele beim Weet
mir Kölsche loöben keiner dran
mir Kölsche mir han Spetzebötzjer an.

Refrain: Mir Kölsche ...

Mir Kölsche fahren met d'r KVB
manchmol och mem Müllemer Bötche
mir Kölsche mir sin Mädsche un och Jonge
mir Kölsche sin dem Herrjott jot jelunge
mir Kölsche han d'r längste Desch d'r Welt
Fastelovend weed de decke Trumm jespillt
mir loöben d'r Dom am Bahnhof ston
un däten ze Fooß noh Kölle jon.

Refrain: Mir Kölsche ...

Kayjass, Köbes, Kölsch, Kamelle,
Kallendresser, halven Hahn,
de Haupsach es, et Hätz es jot,
nur dodrop kütt et an.

Intro: Dreimol Kölle Alaaf -

© Bläck Fööss

Zitat Bläck Fööss: "Die Nutzung dieser Texte für private Zwecke ist ausdrücklich erlaubt und erwünscht. Jedwede kommerzielle Nutzung gleich welcher Form bedarf jedoch grundsätzlich unserer Zustimmung."